

REGIONAL NEWS BULLETIN(MIZO)

HEADLINES (EVENING)

Date – 18/03/18 Time - 18:30 -18:40Hrs

- Kum danga hniam lutuk nia sawi \hin Mizoram pum sum ngaihtuaha kuthnawktute thawhchhuah chu kum 2017-18 chung hian a pung chho tura ngaih a ni.
- Mizoram Bru Displaced People's Forum (MBDPF) chuan sorkar laipuiin an chung a khauh taka ro a rel avangin mipuiin lungawi lohna lan tirah sorkar an vau.
- Union Agriculture Minister Radha Mohan Singh chuan sawrkar laipuiin loneitute hamthatna tur leh agriculture hmasawna turin in insiamthatna, sawrkar inrelbawlna tha leh ngaihtuahna thar hmangin hna a thawh thu a sawi.
- Jammu & Kashmir-ah vawiin khan Pakistan sipaiten Poonch district-a Mendhar-ah bomb te chi hmangin civil mi 5 an kaphlum.

<><><>

ECONOMIC SURVEY:

Kum danga hniam lutuk nia sawi \hin Mizoram pum sum ngaihtuaha kuthnawktute thawhchhuah chu kum 2017-18 chung hian a pung chho tura ngaih a ni.

Tunhnaia Finance Minister Pu Lalsawta'n Assembly dawhkana a dah Mizoram Economic Survey 2017-18 in a tarlan danin kum 2012-13 a kuthnawktute thawh chhuah za zela 17 point 66 chauh a nih lain kumin sorkar kum kallai mekah chuan za zela 26 point 28 a kai chho tura chhut a ni. He Economic Survey-ah vek hian thil siamna leh sawngbawlna lam (industrial sector)-in a thawh chhuah pawh a pung chho ve zel a kum 2017 ah chuan za zela 26 point 58 ni chho tura chhut a ni. Chutih lain sorkar hnathawk leh hna dang thawkte thawh chhuah hi kum 2011-12 khan za zela 59 point 43 niin kum 2015-16 ah chuan za zela 47 point 68 a tla thla tura ngaih a ni a, kum 2016-17 ah chuan za zela 47 point 14 a tla hniam leh zual tura chhut a ni. Heti chung hian a la sang mah mah a, state pum sum laklulh a la thunun tlat mai hi hmasawna tur a la tam hle niin Survey-ah hian ziahlan a ni.

Economic Survey-ah vek a lan dan chuan Mizoram pum sum thawh chhuah Gross State Domestic Product (GSDP) hi 2012-13 leh 2016-17 sorkar kum inkar chung hian za zela 12 a pung chho tura hisap a ni a, ram pum ei leh bar than dan za zela 6 point 75 aini a tam fe zawk a ni. Mimal sum thawhchhuah (per capita income) pawh Mizoram hian nasa takin hma a sawn niin Economic Survey chuan a tarlang a, ram pum huapa mimal sum thawh chhuah aini a sang zawk a. Kum 2016-17 a Mizorama mi pakhat sum thawhchhuah zat chawhrual chu cheng nuai 1, sang 2, sang 5 leh 107 ni tura chhut a ni a, hemi hun chung veka ram pum huapa mimal sum thawh chhuah zat chawhrual chu cheng nuai 1, sang 3 leh 219 a ni.

<><><>

ASSEMBLY:

Lungreng Hydro Electricity Project leh Chhimtuipui HEP tukhuah tura tih chu tun thlengin zirchianna report Department-ah thehluh a la ni lo.

Ziaka chhan chi Pu Lalthanliana zawhna chhangin Pu R. Lalzirliana chuan Lungreng leh Chhimtuipui-ah Tuikhuah turah hian India leh Myanmar a nghawng ve ve dawn a, Lungreng leh Chhimtuipui-ah hian 100-a 40 hi Myanmar ram chhung a ni dawn a, hei vang hian a project duang fel turin Myanmar Sorkar phalna lak hmasak a ngai a, NEEPO in vawi tam tak Myanmar sorkar atanga phalna lak tuma an hmalakna chu tun thlengin Myanmar sorkar hian phalna a la pe lo a ni. NEEPCO hian Department Review meeting ah NEEPCO in Myanmar tibuai lova kalpui a tumnaah kawlphehtha siam chhuah theih zat tur hi megawatt 815 a\anga megawatt 15 a tlahniam tura chhut a ni a, Chhimtuipui-a khuah tur pawh a lui luan khawmna pawhi 100-a 90 chu Myanmar ram chhung a nih avangin Myanmar sorkar phalna lak tum chu tun thlengin phalna pek a la ni lo bawka, a project len zawng 635 MW chu 10MW a tlahniam tura chhut a ni a, zirchianna report erawh Department-ah thehluh a la ni lo a ni.

Mizoram sorkar leh tuikhuapa kawlphehtha siam chhuah hna thawktu company te'n project 6 a inhriatthiamna thuthlung an ziah tawh pakhat mah hna thawh \an a la awm lo niin zawhna chhannaah hian a lang.

<><><>

WORKSHOP ON BIATE:

Sahitya Akademi bultumin Mizo Academy of Letters leh Mizo Department, Government Hrangbana College chuan Government Hrangbana College Seminar Hall ah chuan One day National Seminar on Biate Language an buatsaih.

He sawihonaah hian I&PR Director Pu David L Thangliana chu khuallian a ni. Biate hnam chu Mizo hnam peng pakhat an nih thu leh Mizo hnam hrang hrang zinga thlang tla hmasa an nih thu a sawi a. Mizoram mai nilo thenawm State - Assam, Manipur leh Tripura ah te an awm darh tak avangin an awmna hmuna tawng lian zawk leh chak zawk ten a nek reng a, Biate tawng pawh ral mai hlauhawm khawpin tawng humhalh ngai nasa te zingah a tel ta a ni, a ti. Mahni hnam \awng humhalh nachang hria apiang khawvelah an ropui a, hnam ropui apiangin mahni hnam tawng humhalh leh tih hmasawn nan tan an la zual sauh sauh thin tiin Mizo Academy of Letters in Biate tawng zirna hun an buatsaih chu fakawm a tih thu a sawi a ni.

lawng ral mai hlauhawm zinga chhiar tel Biate tawng hmang hi tun dinhmunah mi 15,000 vel an awm mek thu a sawi bawka.

<><><>

BRU:

Mizoram Bru Displaced People's Forum (MBDPF) chuan sorkar laipuiin an chung a khauh taka ro a rel avangin mipuiin lungawi lohna lan tirah sorkar an vau.

MBDPF chuan nimin khan he thu hi sawiin Bru relief camp zawng zawng khar veka a thlawna ei tur an dawn \hinte pawh tihtawp vek tura sorkar laipuiin thutlukna a siam chu an duh lo hle tih an tarlang a. An pawl hruaitu pakhat Bruno Msha chuan Mizorama lalet leh tura ruahmanna awm kan pawm lo a nih chuan tiin sorkar laipuiin na takin a vaukhan niin a sawi a. A sawi dan chuan Agartala atanga km 170 vela awm North Tripura district chhunga Kanchanpur Sub Division-ah hian relief camp 6 awmin mi 35,000 vel chu kum 21 zet an awm tawh a ni. Vawi sarh lai laklet hna thawh a ni a, chhungkaw 1,600 vel chu Mizoramah an kir leh tawh a. Mahse, MBDPF hian kir tura sorkar ruahmanna tipuitling turin thil ngiat neiin an dodal mek a ni.

Union Home Ministry hotu lawk pathum - Special Secretary, Internal Security Rina Mitra, Adviser (North East) (Bru) Mahesh Kumar Singla leh Joint Secretary Satyendra Garg te chuan Zirtawpni khan Agartala-ah he'ng Bru hruaitute hi an hmu a. Home Ministry hotute hian Mizorama lokir Bru chhungkaw khat zel pek tur zat chu cheng nuai khat leh sing thuma tihpun sak an nih thu leh an kum hnih chhung a thlawna eitur pek leh chhungkaw tin thla tin cheng sang nga pek an tum thute an hrilh a. Mahse, he an thil tiam hi duh lovin pawisa tam zawk pek an ngiat a. In sakna tur ram zau zawk bakah huan lo ram dinna tur acre nga a zau ram an ngiat a, chhungkaw tin cheng nuai sawm pek leh chhungkaw tina mi pakhat tal sorkar hna a thun leh Central Armed Police Force te venhimna te an ngiat a ni.

Tuna sorkarin a tiamna ang hi chuan Mizorama kir an duh dawn lo tih Bruno chuan a sawi a. Hetih lai hian Tripura sorkar chuan Bru ho kawl reng hi an duh tawh loh thu an sawi a. Tripura sorkara Principal Revenue Secretary Manoj Kumar chuan sorkar laipuiin relief camp a awmte chawmna tur sum an rawn pek chhuah mumal loh avangin relief camp enkawl kawngah harsatna an tawk niin a sawi.

<><><>

ODF:

Mamit District chu pawn lera inthiar awm tawh lohna (Open Defecation Free – ODF) a puan theih a nih leh nih loh enfiahin nimin khan PHE Secretary Pu K.T Beichho chuan N.Sabual leh Damdiai khuaah ODF endikna a nei a. Tui lakna kawga an dinhmun a enfiah nghal bawk.

Tarlan tawh angin Mamit District ODF Verification hi Block level leh District level-ah neih fel tawh a ni a. Tunah hian State Level verification hi zawh tep niin Zawlnuam Block a khaw pahnih, Kanhmun leh Luimawi khuate enfiah leh hmabak a ni a. Chumi hnuah ODF a puan tlak a nih chuan Official a ODF a puan a ni ang.

Tun dinhmunah Mizorama District pariat zingah Mamit, Lawngtlai leh Lunglei District-te hi ODF a la puan lohte an ni a. Tun atanga rei vak lovah chuan puan hman vek tura beisei a ni.



IMMUNIZATION:

National Immunization Day pualin Lawngtlai District chhungah Zenghri danna pek runpui kar kalta chhung khan neih a ni.

Lawngtlai a kan Corr sawi danin naupang kum 5 chin hnuailam Za zela 94 point 5 chu Zenghri danna pek an ni. India ram pum huapin National Immunization Day thawh hnihna hi Thawhlehi a lang khan hman a ni a, hemi pual hian tunkar chhung khan Lawngtlai District pumpuiah Zenghri danna hi pek a ni. Naupang piang hlim a langa kum 5 inkarte hnenah zenghri venna hi pek a ni a. Lawngtlai District chhungah Hri danna pekna tur Booth 210 siam ani a, March Ni 13 a Booth-a hri danna la ve hmanlo te tan Ni 14 khan an inah kalchilh in naupang hnenah Vaccine pek an ni bawk.

Zenghri hi Naupang kum 5 chin hnuailam 14,845 lawngtlai District chhungah pek tum an ni a, heng an target zinga 14,042 te hnenah hri danna hi pek an ni. Zenghri danna pe tur hian thingtlang khua kilkhawr tak tak a te thawktute kalin, Lo lama riak te pawh kalchilh an ni..



MODI GOVT BRINGING CHANGES IN LIFE OF FARMERS THROUGH GOVERNANCE, INNOVATIONS: AGRICULTURE MINISTER

Union Agriculture Minister Radha Mohan Singh chuan sawrkar laipuiin loneitute hamthatna tur leh agriculture hmasawanna turin insiamthatna, sawrkar inrelbawlina tha leh ngaihtuahna thar hmangin hna a thawh thu a sawi. Vawiina New Delhi-a ni thum awh Krishi Unnati Mela kharnaah he thu hi sawiin Pu Singh-a chuan Pu Narendra Modi sawrkarin loneitute tana hma a lakna chuan tunah hian rah tha tak a chhuah thu leh inthlakna tha tak a thlen tih a sawi a. Hnathawh dan thar nen sawrkar chuan loneitute tan khawl leh thil thar hmang thiam turin hriatzauna lamah hma a sawn pui mek a ni a ti. Sawrkar hmasa khan agriculture tan cheng vbch nuai 1 sing 2 sangkhat chauh a hmang a, mahse tun sawrkar erawh chuan cheng vbch nuai 2 leh sing 1 sang khat lai kum li chhungin a seng a ti. Kumtinin agriculture atana sum hman hi a pung chho zel bawk tih sawiin sawrkar chuan loneitute sum lakluh kum 2022-a a leta ti pung turin theihtawpin a thawk a ni a ti.



FIVE KILLED, TWO INJURED IN SHELLING BY PAK IN POONCH DISTRICT OF J&K

Jammu & Kashmir-ah vawiin khan Pakistan sipaiten Poonch district-a Mendhar-ah bomb te chi hmangin civil mi 5 an kaplum. Defence thupuangtu-in AIR a hrih danin Pakistan sipaite hian civil mite chenna hmun leh India ram lam tinzawnin tukin dar 7:45 khan bomb re chi hmang hian an rawn kap hmasa a. Devta khuaa chenna in kapfuhin chhungkaw member panga an thi a, an fanu pahnih na takin an hliam bawk. Hemi hnu hian India sipaiten an kaplet chhunzawm ve

nghal a, chawhnu lam thleng khan an inkap a ni. Hliamte hi Jammu-a sawrkar damdawiinah enkawl tura lak nghal an ni.

<><><>